

تکدیر الہی بہ استحقاقہ بر بری نولدرن ، وطنلرینی اعدایہ ترک ایدوب قاچان هر قوم مساویدر .

برده خبر طرزنده شرفورود ایدن (لائسکون) و (لائخرجون) صیغ منفیہ سی حقیقتہ نہی معناسنی متضمندر . نہی ده تحریمیدر . قتل نفسک حرمت عظیمہ سی بدیدر . ہلہ ترک وطن کی عمومی بر فلاکت مدہشیہ آوچ آچق ، فتنہلر اوایدیرمق ، شقاق و نقاقلر ایجاد ایتک جنایات دینیہ نک ال بویوکلرندن در . قواعد اصولیہ دندر : فرضک ضدی - استلزاماً - حرام ؛ حرامک ضدی - استلزاماً - فرضدر . مثلاً : قتل نفس حرام ؛ بوجنایت عظیمہ دن اجتناب فرضدر . ترک وطن حرام ؛ حفظ وطن فرضدر . فرض اولسہ ترکی حرام ولماق لازمکیر . حالبوکہ ترکی حرام . اولیہ ایسہ حظی کال اہمیتلہ فرضدر .

شو حالہ « ولاتخرجوا » صیغہ ناهیہ سی استلزاماً وطنہ محبتک وجوبہ - یعنی فرض اولدیغہ - دلالت ایدر . ایستہ « حب الوطن من الایمان » حدیث شریفک صحتہ شو دلیل قرآنی کافیدر .

ولی التعمت جهان انسانیت ، خواجہ درسخانہ مدینت « علیہ الصلاۃ والسلام » افندیمر حضرتلری مکہ مکرمہ دن ہجرتہ مأمور اولدقلری . کون حرم شریفی تشریف بویوریورلر . بیت الہی بہ نظر تأثرلہ باقاراق شو حزن انکیز خطاب ایلہ راسمہ وداعی ایفا ایدیورلر : « واللہ ! انک لاحب ارض اللہ الی وانک لاحب ارض اللہ الی اللہ . ولولا ان اهلك اخرجونی ماخرجت منك - ای کبہ معظمہ ! اسم اعظم الہی بہ قسم ایدرم ، کہ سن بکا ال سہ وکیلی بر خاک مبارک ومقدسک . چونکہ سن یر یوزندہ اللہ ال سہ وکیلی بر مقام محترم مسک . اگر سفہاء قریش بنی ہجرتہ مجبور ایتہ مش اولایدی سندن بر لحظہ آیرماز ، سنک آغوشکدن باشقا بریردہ ساکن اولمازدم . شمدیلک الوداع ای مقدس وطن ! - مواہب لدنیہ . للقسطلانی . سنن ترمذی . مسند امام احمد . »

آہ ..! نہ آجیقلی ، نہ دلسوزوداع پیامبری « علیہ الصلاۃ والسلام » . آردن تام بیک اوچیوز سنہ کچمش ایکن ینہ ہر جوہر حرفی برر شرارہ اولوب روحہ یایشیور ، چار چار یاقیور . بو علوی خطابہ وداع اوروح اقدسک نہ بویوک بروطن محبتیلہ متحسس اولدیغہ شاهد ابدیدر .

وحی الہینک ایلک تجلیسکاهی اولقلہ بختیار جبل حرادن فرمان جلیل قراتک مہابت جلالیلہ خاشعاً عودت وجناب خدیجہ الکبری « علی زوجہا وعلیہا افضل الصلوات واکمل التحیات واجمل التسلیات » والدہ محترمہ مزلہ ورقہ بنی نوفلی لطفاً زیارت بویورمشلردی . او جناب حقک انوار علویتندن مخلوق مادر عصمت پناہمز ، او ملک خصلت آنامز سوزی آجدی ، ورقہ کال اعتنا ایلہ دیکلدی ، بویوک بر مسرتلہ : « خاکپاکیزہ یوز سورن جبریلدر . حضرت موسایہ نازل

معاملاتندہ عدالتی دستور حرکت طانیایان ملتلر ایچون یانامق احتمالی یوقدر . « مملکت قلیبیج ایلہ آلینیر ؛ لکن عدلت ایلہ نحافظہ اولئور . » سوزینی تیمورلنک کی ظالم بر جهانکیرک آغزندن ایشتمک نہ بویوک عبرتدر !

أوت ، ایشہ کورہ آدم بولمالی ؛ آدمہ کورہ ایش ویرملی . زیرا نہ قدر مشکل اولورسہ اولسہ ون ، بروظیفہ تصور ایدیلہ مزکہ ، اہلی آراسیندہ بولونماسین ؛ کذلک قابلیت نہ درجہ لردہ دون بولونورسہ بولونسون ، ہیچ بر آدم کوستریلہ مزکہ ، اونکدہ کورہ بیلہ جکی برایش موجود اولماسین . نہ یالکز عزیمک بویوکلکی ہر مسئلہ نک حلنہ کافیدر ؛ نہدہ قابلیتک کوچوکلکی بوسبوتون اہالتی متضیدر .

بزده بر کرہ افراد مسلکنی کندی استعداد فطریسنہ کورہ تعیین ایدہ مز . چونکہ مسلک انتخابی مسئلہ سنک کرک شخصی ، کرک ملتی ایچون حیات ممات مسئلہ سی اولدیغنی پک کچ اوکرہ نیر . تأسف اولئورکہ افرادی تمثیل ایدن حکومتدہ اموری توزیع ایدرکن عینی کریومہ دوشویور . یوقاریدن بری سویلہ نن سوزلر غایت بسیط برطاقم حقیقتلردر . بزبونی اعتراف ایدرز . شو قدر وارکہ بزدن اول چوکوب کیدن ملتلر ہب بویکی بسیط حقیقتلرک قربان ذہولی اولمشلردر !

محمد عاکف

بسم الله الرحمن الرحيم

وَإِذَا اخَذْنَا مِيثَاقَكُمْ لَآتْسِفْكُمْ دِمَاءُكُمْ وَلَا تَخْرُجُونَ أَنْفُسَكُمْ مِنْ دِيَارِكُمْ ثُمَّ أَقْرَرْتُمْ وَأَنْتُمْ تُشْهِدُونَ .

ترجمہ مائل منیفی

« در خاطر ایدیکز - ای بنی اسرائیل ! - اوزمانی ، کہ سزدن ، بر بریکزک قاتنی دوکہمک وکندی تُوُز اللریکزلہ کندیکزی وطنکزدن چیقارماق اوزرہ ، عہد ویمان آلدق ؛ سزدہ بوکا راضی اولدیکز ؛ ویردیککز سوزدہ ثبات ایدہ جککگزہ ، عہد شکنکک ایتیمہ جککگزہ یکدیگر یکزی شاهد طوتدیکگزہ . » سورہ جلیلہ بقرہ .

خطاب الہی عصر مسعود جناب رسالتپناہیدہ کی « علیہ الصلاۃ والسلام » علمای یہودہ در . حادثہ عہد و میثاق ایسہ حضرت موسی « علیہ الصلاۃ والسلام » حضرتلرینک زمان نبوتلرندہ وقوعبولشدر . اسلوب بیان توبیخ و تکدیرہ شدت ویرمک ایچین - اخلاقی اسلاف مقامنہ اقامہ ایتک صورتیلہ - تبدیل بویورلمشدر . کلام الہیدہ مجاز - بذق واردر . تقریری : « وَإِذَا اخَذْنَا مِيثَاقَ آبَاءِكُمْ . . . الایۃ » در . بواسلوب بیان علمای بلاغتجہ مشہور ویک مقبولدر .

بونظم جلیلک سبب نزولی خاص ایسہدہ حکمی طامدر . زیرا اعتبار ، نظمک عمومیتندہ در . سببک خصوصیتندہ دکل . بناءً علیہ بو